



Mette Arge-Hammeken,
Inatsisartunut ilaasortaq, Naleraq

§ 37 naapertorlugu apeqqutip nr. 021/2025-p akineqarnera

Asasara Mette Arge-Hammeken,

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaakka. Apeqqutit issuarneqartarput tamatumalu kingorna akineqarlutik.

Ulloq: 25-02-2026
Suliap normua: 2026 - 3546
Allagaatip normua: 26233391

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@naanoq.gl
www.naalakkersuisut.gl

1. Nunatsinni tartumikkut napparsimasut qassiuppat?

Akissut:

Tartuluttut Peqqinnissaqarfimmit malittarineqarlutik aaqqissuussamik katsorsartittutut nalunaarsukkat maannamut 118-iupput. Innuttaasut sakkukitsuinnarmik tartuluttortaqarput, taakkualu Peqqinnissaqarfimmit aaqqissuussamik katsorsarneqanngikkaluarlutik malittarineqarput. Nunatsinni tartuluttut katillugit 160-170-it missaanniissangatineqarputit.

2. Nunatsinni tartumikkut napparsimasut nutaamik tartulersinnissaminnut periarfissaqarpat?

Akissut:

Naagga, tassa immikkut ilisimasallit kisimik nutaamik tartuliisinnatitaapput, nunatsinnilu inuit amerlassusaat eqqaassagaanni tartulersittussap timaata kingornussisaataanut naleqquttumik tartussarsiorniarneq nassaaratarsinnaanissarlut ajornakusoortorujussuupput. Taamatuttaaq tartussarsisoqarsimatillugu tartulersittussap tamatuma pineraniit akunnialuit qaangiutsinnagit pilatsinnissamut piareersimasariaqartussaavoq.

3. Nunatsinni tartumikkut napparsimasut Danmarkimi tartulersinnissaminnut periarfissaqarpat?

Akissut:

Aap, kinaluunniit nutaamik tartulersinneqarsinnaasutut nunatsinni Danmarkimilu piumasaqaatit atuuttut tunngavigalugit nalilerneqarsimasooq suliaritinnissamut periarfissaqarpoq. Timaatali kingornussisaataanut naleqquttumik tartussarsinermiit sapinngisamik piaarnerpaamik suliarineqarsinnaaqqullugu Danmarkimiinnissaa pisariaqarlunnarpoq.

Aammattaaq nutaamik tartulersinnissamut utaqqineq ukiunik arlalinnik sivilisussuseqakkajussinnaavoq.

4. Tartulersitsinneq qanoq akeqarpa?

Akissut:

Nutaamik tartuliinermut aningaasartuutaasartut assigiinneq ajorput, tamatumani suliaritittup qanoq issusia, suliaritinnerata ingerlarnge il. il. apeqqutaalluinnartarmat. Tartuluttunik suliarinninnermut akigitat (DRG-takst) assigiinngitsut marluupput, tassa nalinginnaasumik suliarinninnermut 2026-mi 267.932 kr.-ulluni, massa suliarinninnerujussuarmut 392.264 kr.-usoq. Suliarinninneq saniatigut allanik, soorlu katsorsartittup angalaneranut, katsorsartittut illuanniinneranut inuuneratalu sinnerani pisassaanik allanngorartorujussuusinnaasartunik nakorsaasiinermut aamma aningaasartuuteqarfiusarpoq. Katsorsartittoq Danmarkimiinnermini Kalaallit Katsorsartittut Illuanniittarpoq, tamatumunngalu akigitatq ullormut 1.970 kr.-t missaanniippoq.

5. Siornatigut Kalaallit Nunaanni najugaqaannarluni tartulertinnissamut utaqqisunneq unitsinneqarnikuua, sunalu peqqutaava?

Akissut:

Apeqqut 2-mut akissut innersuussutigineqarpoq.

Inuulluaqqusillunga



Anna Wangenheim

